



LOU BRUSC

JOURNAU POUPULARI DE LITERATURO, D'ISTORI E DE SCIENCI
PAREISSÈNT TOUTEI LEI QUINGENADO

Se vènde pertout. Depausitàri majourau pèr Marsiho : H. BLANCARD, 6, carriero dei Reoulèto, 6.

Abounamen :
3 fr. e miè pèr an pèr touto la França.
Fouero França, lou port-en subre, ço
que revèn à 5 fr.

Tout ço que toco lou journau dèu
èstre manda afranqui à l'Empremariè
Prouvençalo, 15, carriero d'ou Grand-
Relògi, à-z-Ais.

Lei plé noun afranqui saran refusa.
Leis article noun inseri saran pas
rendu.

ASSABÉ

Leis abounamen soun en recoubramen.
A parti de vuei fèn encaissa pèr la Posto,
à nouèstei frès.

TAULETO

PASSO-TÈMS. — La gardo nacionalo. — *Un Bastidan.*

POTESIO. — LEI CANSOUN PROUVENÇALO — Lou Bastimen — *F. Mistral.*

REMEMBRANÇO. — D'ou 17 d'Abrièu au 1 de Mai.
— *L. - A. Gardaire.*

CRONICO.

NECROLOGIO. — Ougèui Crouzat. — *J.-B. G.*

SCIENCI. — La Cansoun de Pèire Ramons. — *Ch. D.*

FUEIETOUN. — La Bourrido dei Dièu.

PASSO-TÈMS

LA GARDO NACIONALO

Ero au bèu tèms de la gardo nacionalo. Tòutei, jouine, vièi, goi, gibous, ventru, linge, jougavian au soudard. Pèr tout atrencamen, un marri kepi de 40 sòu pres sus la masso-negro, valent-à-dire paga de nouèstei dardeno, nous tapavo

lou su ; nous avien douna de fusièu mai que rouvions e nous èro recomanda, se tenian à resta entiè, de pas cerca de nous en servi. Vous assèguri d'uno que se quauque maufatan aguessè vougu veni nous prendre nouèstei fremo vo nous rau-ba nouèste bèn, sariè pà sta nautre, en sia jarnesca, que ni n'en aurian fa passa l'envejo.

E pamens, fallié tóutei lei jour ana faire l'eisercici, se leva matin, em^s lou frè, quita soun liè bèn caud, ana faire gin gin, batre la semelo, teni dei det gòbi la clarinèto de sièr pan. Soudard e oufficié, sabias pas dire qu'aviè meïour biais e s'escriériè un gros libre dei bourdo que cade jour se fasiè dins lei rèng, quouro de la parl dei simple soudard, quouro dei chèfe. Quauque jour, s'acò vous agrado, pourrai vous n'en debita quaucuno ; pèr vuei laissa-me vous dire aqesto que vous prouvara que se lei simple soudard sabien pas bèn eisecuta lei comandamen, lei que lei donnavon èron pas mai fouert.

Un jour nous fasiè aprene à manda lei pèd. Sabès que se parte sèmpre d'ou pèd gauche, mai vai-te fa lanlèro ! vai que d'ou tèms que mandè lou pèd gauche, moun vèsin mando lou pèd dré. Lou sarjant qu'èro en tèsto de la coulouno va s'avisà d'eiçó. Ah ! l'aguessias vist, aurias fa coumo nautre, vous sarias esclafa d'ou rire, subretout quand l'aurias ausi creïda, en sacrejant :

— Quau es l'animau qu'ausso lei dous pèd à la fes ?

UN BASTIDAN